

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON / KANTON SREDIŠNJA BOSNA  
GRAD NOVI TRAVNIK

OBRADIVAČ:  
Služba za gospodarstvo, razvitak, obnovu i  
stambeno komunalne poslove

\*\*\*\*\*

NACRT

\*\*\*\*\*

**ODLUKA  
O JAVNIM PARKIRALIŠTIMA NA PODRUČJU GRADA NOVI TRAVNIK**

Novi Travnik, 16.09.2025.godine

Temeljem članka 13. Zakona o principima lokalne samouprave u Federaciji BiH („Službene novine FBiH”, broj 49/06), članka 10 Privremene statutarne odluke Grada Novi Travnik (“Službeni glasnik Grada Novi Travnik”, broj 5/24), i članka 80 Poslovnika Općinskog vijeća Novi Travnik („Službeni glasnik Općine Novi Travnik“, broj 1/09), Gradsko vijeće Grada Novi Travnik, na . redovitoj sjednici održanoj dana 19.09.2025.godine donosi

## ODLUKU

o javnim parkiralištima na području grada Novi Travnik

### I - OPĆE ODREDBE

#### Članak 1.

Ovom Odlukom utvrđuje se način upravljanja javnim parking prostorima - parkiralištima, uslovi, način korištenja, organizacija i način naplate parkiranja vozila, na javnim parkiralištima, na području grada Novi Travnik.

#### Članak 2.

- (1) Javnim parkiralištem se smatra javna površina, namjenjena isključivo za zaustavljanje i parkiranje vozila, označena horizontalnom i vertikalnom saobraćajnom signalizacijom, određena ovom Odlukom.
- (2) Upravljanje javnim parkiralištima, te naplatu istog, vrši pravna osoba, koje odredi Gradsko vijeće grada Novi Travnik (u daljem tekstu Upravitelj).
- (3) Sva postojeća javna parkirališta biti će predmetom naplate.
- (4) Sva buduća novoizgrađena javna parkirališta uređena u skladu sa ovom Odlukom biti će predmetom naplate.
- (6) Izuzetno, naplata parkinga neće se vršiti za posebno označena vozila i to: vozila čiji su vlasnici invalidne osobe s posebnim riješenjima MUP-a, vozila gradske uprave, policijska vozila, vozila hitne pomoći, vozila javnih ustanova, vozila javnih preduzeća, poštanska vozila, vojna vozila i vozila drugih institucija(sud, kanton, porezna uprava isl.))
- (7) Parkiranje se neće naplaćivati na parkinzima u vlasništvu javnih ustanova, javnih poduzeća, policije kao i na privatnim parkinzima.

#### Članak 3.

- (1) Javna parkirališta mogu biti uređena za parkiranje vozila na ulici i van ulice.
- (2) Javna parkirališta van ulice mogu biti otvorenog i zatvorenog tipa.
- (3) Otvorena javna parkirališta su ona parkirališta koja zbog saobraćajne situacije nije moguće fizički zatvoriti preprekama.
- (4) Zatvorena javna parkirališta su parkirališta koja se u cilju kontrole ulaza i izlaza mogu fizički zatvoriti, a da se ne remete normalni tokovi saobraćaja.

#### Članak 4.

- (1) Javna parkirališta moraju biti označena horizontalnom i vertikalnom saobraćajnom

signalizacijom, a mogu imati i druge sadržaje (parkomati, automatske rampe isl).

(2) Javna parkirališta za invalide i rezervisana javna parkirališta posebno se obilježavaju horizontalnom i vertikalnom signalizacijom.

(3) Upravitelj se ne obavezuje da u kontinuitetu obezbjedi slobodno parking mjesto, izuzev parking mjesta i pravnih lica navedenih u članu 2. stav 6.

(3) Uređenje i obilježavanje javnih parkirališta vrši Upravitelj.

### **Članak 5.**

Sva javna parkirališta na vidnom mjestu imaju istaknutu obavijest koja sadrži : oznaka parking sa slovom P, zonu parkinga, vrijeme naplate, cijenu parking karte i način plaćanja parkinga (parking automat, sms poruka ili lično putem ovlaštenog lica.)

### **Članak 6.**

Ulaskom na javno parkiralište, vlasnik ili lice koja upravlja vozilom prihvata uslove parkiranja propisane ovom Odlukom.

## **II - JAVNA PARKIRALIŠTA NA PODRUČJU GRADA NOVI TRAVNIK**

### **Članak 7.**

- (1) Javna parkirališta na području grada Novi Travnik razvrstavaju se po ZONAMA i to:  
Zona I (MZ Bare)  
Zona II (MZ Centar 1)  
Zona III (MZ Centar 2)  
Zona IV (MZ Kalinska)
- (2) Javna parkirališta na području grada Novi Travnik, kategorišu se po vrsti i to van ulice-otvoreni, na ulici-otvoreni, otvoreni i zatvoreni javni rezervisani parking prostori za pravna lica navedena u članu 2. stav 6.
- (3) Grad Novi Travnik svojim odlukama određuje nova parkirališta i može izvršiti promjene parkirališta.

### **Članak 8.**

- (1) Radno vrijeme javnih parkirališta je svakim radnim danom i subotom u periodu od 08-16 sati
- (2) Izuzetno, Upravitelj, može, zbog objektivnih okolnosti, odrediti i drugačije radno vrijeme, koje mora biti istaknuto na javnim parkiralištima za koje se primjenjuje.

### **Članak 9.**

- (1) Za korištenje javnog parkirališta korisnik plaća naknadu prema TARIFAMA koje odredi Upravitelj a koje mogu biti tarifirane kao godišnje, mjesečne, dnevne i karte plaćene po satnici.
- (2) Iznos naknade za parkiranje utvrditi će Gradsko vijeće na prijedlog Upravitelja.
- (3) Cijene za korištenje javnog parkinga mogu se mjenjati na prijedlog Upravitelja uz saglasnost Gradskog vijeća. Vijeće je u obavezi da se po prijedlogu Upravitelja očituje u roku od 60 dana od dana davanja prijedloga, u protivnom prijedlog Upravitelja stupa na snagu šezdesetog dana od dana dostave prijedloga.

### **Članak 10.**

Godišnja, mjesečna, dnevna ili karta plaćena po satnici mora biti vidno istaknuta na prednjem vjetrobranskom staklu parkiranog motornog vozila.

### **Članak 11.**

Usluga parkiranja plaćena putem SMS-a bit će provjeravana od strane Upravitelja putem posebnih uređaja.

### **Članak 12.**

Korisnik javnog parkirališta unaprijed plaća naknadu za planirano vrijeme parkiranja.

### **Članak 13.**

- (1) Parking karta je dokaz o uredno plaćenju naknadi za parkiranje na javnom parkiralištu.
- (2) Sadržaj i izgled parking karata će biti detaljnije određen posebnim aktom Upravitelja.

### **Članak 14.**

Pravilnost korištenja javnog parkirališta kontroliše Upravitelj.

### **Članak 15.**

- (1) Za parkiranje vozila invalida, osigurava se određeni broj parking mjesta na kojima se ne naplaćuje naknada za parkiranje.
- (2) Pravo korištenja mjesta za parkiranje vozila invalida ostvaruju invalidne osobe koja posjeduju znak pristupačnosti, odnosno međunarodni znak invalida, u skladu sa odredbama člana 29. Zakona o osnovima sigurnosti saobraćaja na putevima u Bosni i Hercegovini i odredbama Pravilnika o načinu obilježavanja vozila kojim upravlja osoba sa oštećenim ekstremitetima ("Službeni glasnik BiH", broj 13/07).

### **Članak 16.**

Korisnik javnih parkirališta čini povredu odredbi uslova korištenja javnih parkirališta propisanih ovom Odlukom ako:

- a) Prekorači dopušteno vrijeme parkiranja,
- b) Ne istakne, nepravilno istakne ili istakne neodgovarajuću parking kartu s unutrašnje strane vjetrobranskog stakla,
- c) Ne pridržava se horizontalne i vertikalne signalizacije na javnom parkiralištu.
- d) Nema potvrdni SMS o uplati parking mjesta sa dužinom trajanja parkiranja
- e) Ostavi vozilo bez registarskih tablica na javnom parking

### **Članak 17.**

- (1) U slučajevima povrede odredbi člana 16. stava 1. tačke a., b., c. i d. ove Odluke, izvršit će se blokiranje vozila na način koji odredi Upravitelj.
- (2) Poslove blokiranja i deblokiranja vozila će vršiti će Upravitelj.

- (3) U slučaju povrede odredbi člana 16. stava 1. tačke e., Upravitelj će izvršiti uklanjanje vozila na mjesto koje odredi Upravitelj
- (4) Detaljnije odredbe o postupku blokiranja, deblokiranja kao i uklanjanje neregistrovanih vozila regulisat će se posebnim aktima Upravitelja.

#### **Članak 18.**

- a) Naknada za blokiranje i deblokiranje motornih vozila odrediti će Upravitelj
- b) Naknadu za uklanjanje neregistrovanih vozila odrediti će Upravitelj
- b.) Naknada za deblokadu vozila plaća vlasnik ili korisnik vozila na licu mjesta Upravitelju.

#### **Članak 19.**

Održavanje i uređenje javnih parkirališta kojima upravlja Upravitelj podrazumjeva, redovno održavanje horizontalne i vertikalne saobraćajne signalizacije, čišćenje od raznog smeća, prašine, lišća i slično, te u zimskom uslovima i uklanjanje snijega i leda sa istih.

#### **Članak 20.**

Upravitelj ne snosi odgovornost prema vlasniku motornog vozila u slučaju otuđenja motornog vozila ili nastanka štete na motornom vozilu.

#### **Članak 21.**

- (1) Naplatu, način naplate kao i kontrolu parkiranja, obavljat će Upravitelj.
- (2) Sredstva prihodovana od naplate parkiranja na javnim parkiralištima na području grada pripadaju Upravitelju.

### **III- NADZOR**

#### **Članak 22.**

- (1) Upravni nadzor nad provođenjem ove Odluke će vršiti Služba za privredu, razvoj, obnovu i stambeno-komunalne poslove grada Novi Travnik.
- (2) Inspekcijски nadzor nad provođenjem ove Odluke i Upraviteljem vršiti će komunalni inspektor i inspektor za građenje, urbanizam i lokalne, puteve grada Novi Travnik i to svako iz svoje nadležnosti.

#### **Članak 23.**

Prekršajni postupak pokreće i vodi komunalni inspektor i inspektor za građenje, urbanizam i lokalne, puteve svako iz svoje nadležnosti.

#### **IV - PRELAZNE I ZAVRŠNE ODREDBE**

##### **Članak 24.**

Stupanjem na snagu ove Odluke, prestaje da važi Odluka o javnim parkinzima na području općine Novi Travnik, (Službeni glasnik Općine Novi Travnik broj 6/15)

##### **Članak 25.**

Ova Odluka stupa na snagu osmog dana od dana objavljivanja u „Službenom glasniku grada Novi Travnik“.

Broj: 08- /2025  
Datum .10.2025. godine  
Novi Travnik

**PREDSJEDATELJICA  
GRADSKOG VIJEĆA**

Đemila Skopljak

# O B R A Z L O Ž E N J E

## Razlozi za donošenje Odluke

Odluka o uvođenju naplate parkinga donosi se kako bi se osiguralo učinkovitije upravljanje prometom u gradu, povećala dostupnost parkirnih mjesta i pravednija raspodjela javnog prostora. Naknade za parkiranje smanjit će prometne gužve, povećati protočnost prometa i potaknuti korištenje alternativnih oblika prijevoza. Ostvareni prihodi koristit će se za održavanje i poboljšanje prometne i komunalne infrastrukture te poboljšanje usluga od javnog interesa. Na taj način osigurava se održivo korištenje parkirnih mjesta, smanjujući negativne utjecaje na okoliš.